

MO i OS BiH pokrenuli proces u cilju utvrđivanja činjenica u vezi navodnog nepropisnog korištenja vojnih helikoptera

Na osnovu oznaka helikoptera OS BiH na snimci, utvrđeno je da je isti neoperativan od dana 30.08.2011. godine i kao takav je van svoje funkcije. Pored navedenog, MO BiH nije moglo utvrditi identitet vojnih lica sa snimaka na kojima se vidi prevoženja lica u civilnoj odjeći sa vojnim helikopterom



VOJNI HELIKOPTER ZA PRIVATNE SVRHE/ILUSTRACIJA/

Povodom medijskih natpisa od 12.07.2019. godine o **navodnim zloupotrebama korištenja vojnih helikoptera**, a u cilju potpunog i tačnog informiranja javnosti, želimo da potvrdimo da je MO i OS BiH, u skladu sa propisima i procedurama, poduzelo niz aktivnosti u cilju utvrđivanja činjenica koje se odnose na predmetne navode, a na osnovu prijave navodne nepravilnosti

01.02.2019. godine.

Naime, od strane anonimnog prijavitelja dana 01.02.2019. godine, putem telefona, Generalnom inspektoratu MO BiH podnešena anonimna prijava, koja se odnosila na navodno nepropisno korištenje vojnih helikoptera. Uz navode da su se nepropisni letovi događali u periodu od jula do oktobra 2018. godine, prijava je bila zasnovana na određenom broju foto i video zapisa.

Na osnovu dostavljene prijave i raspoloživih informacija iz iste, Generalni inspektorat MO BiH i linija komandovanja i kontrole OS BiH pokrenuli su proces utvrđivanja činjenica, u skladu sa Pravilnikom o vojnoj disciplini i disciplinskom postupku ("Službeni glasnik BiH" broj 96/10"). Međutim, prilikom daljnjeg rada na predmetu, MO BiH je utvrdio da se sporne fotografije i video zapisi, tamo gdje je to snimak dopustio, odnose na period raniji od 2011. godine, a ne kako je to bilo indicirano u prijavi na period iz 2018. godine. Na osnovu oznaka helikoptera OS BiH na snimci, utvrđeno je da je isti neoperativan od dana 30.08.2011. godine i kao takav je van svoje funkcije. Pored navedenog, MO BiH nije moglo utvrditi identitet vojnih lica sa snimaka na kojima se vidi prevoženja lica u civilnoj odjeći sa vojnim helikopterom.

Prilikom traženja dodatnih informacija od prijavitelja, isti je izjavio da posjeduje i dodatne i autentičnije dokaze, ali iste nikada nije dostavio, već je nakon toga prekinuo kontakt sa inspektorima na predmetnom slučaju. Napominjemo da se svi letovi OS BiH sprovode u skladu s propisanim procedurama, uz obavezne najave letova koje uključuju i kontrole zračnog prometa.

I pored toga što nije bilo moguće utvrditi osnovanost navoda iz ove predmetne prijave, MO i OS BiH će nastaviti da poduzimaju odgovarajuće mjere, u cilju poštivanja svih propisa iz oblasti letenja, a koje će biti kontrolisano linijom komandovanja i kontrole. Također, imajući u vidu da je u predmetnim pisanjima i tekstu koji je objavljen 12.07.2019.godine, data informacija o

navodnoj saradnji pripadnika Brigade ZS i PZO sa privatnom firmom VGH Aero iz Banja Luke, MO BiH će odmah poduzeti mjere u cilju utvrđivanja činjenica i ovih navoda, navodi se u saopštenju Ministarstva odbrane BiH.